



KERATAN AKHBAR

AKHBAR	:	SINAR HARIAN		
TARIKH	:	4/12/2019	MUKA SURAT	: 34
JABATAN	:	JPS		
KLASIFIKASI	:	PERHATIAN		

Rantau Panjang beransur pulih

Beberapa jalan utama menghala ke pekan itu sudah boleh dilalui

SITI FATIHAH AWANG

RANTAU PANJANG

Banjir di daerah Rantau Panjang beransur pulih apabila beberapa jalan utama menghala ke pekan itu sudah boleh dilalui kenderaan ringan.

Tinjauan *Sinar Harian* mendapati rata-rata penduduk di kawasan berhampiran pekan utama sudah mula pulang ke rumah untuk melihat keadaan semasa kediaman masing-masing.

Bagaimanapun mereka masih tinggal di Pusat Pemindahan Sementara (PPS) yang dibuka di kawasan itu memandangkan air masih lagi belum surut sepenuhnya.



Kawasan jalan utama menghala ke kedai-kedai di pekan Rantau Panjang masih lagi digenangi air.

Kawasan pekan utama Rantau Panjang masih lagi belum beroperasi sepenuhnya walaupun ada peniaga makanan ringan tetap tidak berganjak untuk mencari sumber rezeki pada musim bah kali ini.

Walaupun kanak-kanak mengambil peluang untuk berpesta air, namun keselamatan

mereka tetap menjadi keutamaan ibu bapa dan ada di antara mereka yang menggunakan jaket keselamatan walaupun bermain di tempat cetek.

Sehingga jam 5 petang semalam, mangsa banjir yang dipindahkan ke PPS di Pasir Mas adalah seramai 8,726 melibatkan 3,404 jumlah keluarga.



Simpang empat Rantau Panjang juga dipenuhi air namun sudah boleh dilalui kenderaan sejak awal pagi semalam.



Orang ramai juga mengambil peluang bermain air di pintu masuk Masjid Bejing.